

四庫全書

史部

欽定四庫全書

史部

水經注集釋訂訛卷二十四

詳校官監察御史_臣周元良

刑部郎中_臣許兆椿覆勘

總校官原任中允_臣王燕緒

校對官中書_臣吳裕德

謄錄舉人_臣蔣傳馨

欽定四庫全書

水經注集釋訂訛卷二十三

歸安沈炳巽撰

陰溝水

汭水

獲水

陰溝水出河南陽武縣

今屬開封府

浪蕩渠

陰溝首出于大河卷縣故瀆東南逕卷縣故城南又

東逕蒙城北史記秦莊襄王元年蒙驁擊取成臯滎

陽初置三州郡疑即驁所築也于是

宋本作事

未詳故瀆

東分為二世謂之陰溝京相璠以為出河之濟又非所究俱東絕濟隊右溝東西逕陽池城北東南絕長城逕安亭北又東北會左瀆左瀆又東絕長城逕垣雍城南昔晉文公戰勝于楚周襄王勞之于此故春秋書甲午至于衡雍作王宮于踐土呂氏春秋曰尊天子于衡雍者也郡國志曰卷縣有垣雍城即史記所記韓獻秦桓公

按史記秦本紀昭襄王四十八年韓獻垣雍注引郡國志曰河南卷

縣有垣雍城此云桓公誤

是也又東逕開光亭南又東逕清陽亭

南又東合右瀆又東南逕封丘縣絕濟瀆東南至大
梁合滾蕩渠梁溝既開滾蕩渠故瀆實無陰溝浚儀
之稱故云出武陽逕大梁城北左屈溝與梁合俱東
南流同受鴻溝也故目宋本作同受鴻溝沙水之目其川流之會
左瀆東導者即汜水也蓋津源之變名矣故經云陰
溝出滾蕩者也

東南至沛為過水

陰溝始亂滾蕩終別於沙而過水出焉過水受沙水

於扶溝縣爾雅曰過為洵郭景純曰大水溢出別為
小水也呂忱曰洵過水也過水逕大扶城西城之東
北悉諸袁舊墓碑字傾低羊虎碎折唯司徒滂蜀郡
大守騰博平令光碑字所存唯此自餘殆不可尋過
水又東南逕陽夏縣西今為開封府太康縣又東逕邈城北城
實中而西有環郭過水又東逕大棘城南在今寧陵縣西南七
十里故鄆之大棘鄉也春秋宣公二年宋華元與鄭公
子歸生戰于大棘獲華元左傳曰華元殺羊食士其

御羊斟不與及戰曰疇昔之羊子為政今日之事我
為政遂御入鄭故見獲焉後其地為楚莊所并故圈
稱曰大棘也地有楚太子建之墳及伍員釣臺池沼
具存過水又東逕安平縣故城北陳留風俗傳曰大
棘鄉故安平縣也士人慙蠢易以統御過水又東逕
鹿邑城北世謂之虎鄉城非也春秋之鹿鳴矣杜預
曰陳國武平西南有鹿邑亭是也城南十里有晉中
散大夫胡均碑元康八年立過水之北有漢温令許

續碑續字嗣公陳國人也舉賢良拜議郎遷溫令延
熹中立過水又東逕武平縣故城城之西南七里許
有漢尚書令虞詡碑題云虞君之碑諱詡字定安
虞仲後為朝歌令武都大守文字多缺不可復尋按
范曄漢書詡字升卿陳國武平人祖為縣獄吏治存
寬恕嘗曰于公為里門子為丞相吾雖不及于公子
孫亦不失為九卿故字詡曰升卿定安蓋其幼字也
魏武王初封於此終以武平華夏矣

魏志建安元年
車駕自洛陽出

輟轅而東以大祖為大將軍封武平侯自天
子西遷朝廷日亂至是宗廟社稷制度始立
過水又

東逕廣鄉城北園稱曰襄邑有蛇丘亭故鄉矣改曰

廣世後漢順帝陽嘉四年封侍中執原本填為侯國

訛繁

即廣鄉也過水又東逕苦縣西南分為二水枝流注

于東北賴城入谷謂死過也過水又南東屈逕苦縣

故城南郡國志曰春秋之相也王莽更名之曰賴陵

矣城之四門列築馳道東起賴鄉南自南門越水直

指故臺西面南門列道徑趣廣鄉道西門馳道西屈

武平北門馳道暨于北臺過水又東而北屈至賴鄉

谷水注之谷水首受渙水於襄邑縣

今為歸德府睢州

東東

逕承匡城東春秋經書夏叔仲彭生會晉郄缺于承

匡左傳曰謀諸侯之從楚也京相璠曰今陳留襄邑

西三十里有故承匡城谷水又東南逕已吾縣故城

西

在今寧陵縣西南三十里

陳留風俗傳曰縣故宋也雜以陳楚

之地故梁國寧陵縣之徙種龍鄉也以成哀之世戶

至八九千冠帶之徒求置縣矣永元十一年陳王削

地

後漢書明帝八王傳陳王鈞坐殺人事削西華項新陽三縣

以大棘鄉直陽鄉

十二年自隱隸之命以嘉名曰巳吾猶有陳楚之俗

馬谷水又東逕柘縣故城

今歸德府柘城縣

東地理志淮陽

之屬縣也城內有柘令許君清德頌石碎字紊唯此

文現碑城西南里許有漢陽種令許叔臺碑光和中

立又有漢故樂成令太尉掾許嬰碑嬰字虞卿司隸

校尉之子建寧六年

黃本大建寧年固誤朱本改建寧六年亦誤建寧止四年無六

年當從隸釋作元年為是

立餘碑文字碎滅不復可觀當似司隸

諸碑也谷水又東逕苦縣故城中水泛則四周隍壑
耗則孤津獨逝谷水又東逕賴城鄉南其城實中東
北隅有臺偏高俗以是臺在谷水北

原本
漏

其城又謂

之谷陽臺非也谷水自此東入過水過水又北逕老

子廟東廟前有二碑在南門外漢桓帝尼宮

當從宋
本作桓

帝遣宦官管霸祠老子命陳相邊韶作碑北有雙石闕甚

整頓石闕南側魏文帝黃初三年逕譙所勒闕北東
側有孔子廟廟前有一碑西面是陳相魯國孔疇建

和三年立北則老君廟廟東院中有九井焉又北過

水之側又有李老母前廟

疑當作李老君母廟

廟在老子廟北

廟前有李母冢冢東有碑是永興元年譙令長沙王
阜所立碑云老子生於曲過間許慎又云過水首受
淮陽扶溝縣浪蕩渠不得至沛方為過水也過水又

屈東逕相縣故城南其城卑小實中邊韶老子碑又

云老子楚相縣人也相縣虛荒今屬苦故城猶存在

賴游卿之東過水處其陽然

疑作

即此城也自是無

郭以應之過水又東逕譙縣故城北春秋左傳僖公

二十二年楚成得臣帥師伐陳遂取譙城頓而還是

也

左傳僖二十三年楚成得臣帥師伐陳遂取焦夷城頓而還注云焦今譙縣也夷一名城父今譙郡

城父縣二地皆陳邑頓國今汝陰南頓縣

王莽之延成亭也魏立譙郡沈

州治沙水自南枝分北逕譙城西而北注過澗水四

周城側城南有曹嵩冢冢北有碑碑北有廟堂餘基

尚存柱礎仍在廟北有二石闕雙峙高一丈六尺椽

櫺及柱皆雕鏤雲炬上采恩已碎闕北有圭碑題云

漢故中常侍長樂太僕特進費亭侯曹君之碑延熹

三年立碑陰又刊

何氏校改詔

石策二碑文同夾碑東西

列對兩石馬高八尺五寸石作粗拙不匹光武隧道

所表象馬也有騰兄冢

有上疑有脫文

冢東有碑題云漢故

潁川太守曹君墓延熹九年卒而不刊樹碑歲月墳

北有其元子熾冢冢北有碑題云漢故長水校尉曹

君之碑歷大中大夫司馬長史引侍中遷長水年三

十九卒熹平六年造熾弟胤冢冢東有碑題云漢謁

者曹君之碑熹平六年立城東有曹太祖舊宅所在
負郭對廛側隍臨水魏書曰太祖作議郎告疾歸鄉

里築室城外習讀書傳

按魏書曰春夏習讀書傳秋
冬弋獵以自娛樂此漏春夏

二字秋冬射獵以自娛樂文帝以漢中平四年生於此

上有青雲如車蓋終日乃解即是處也後文帝以延

康元年幸譙大饗父老立壇於故宅壇前樹碑碑題

云大饗之碑碑之東北過水南有譙定王司馬士會

冢冢前有碑晉永嘉三年立碑南二百許步有兩石

柱高丈餘半下為束竹交文作制乃士

疑訛當作石制作工巧

榜云晉故使持節散騎常侍都督揚州江州諸軍事

安東大將軍譙定王河內溫公司馬墓之神道

朱云當作

河內溫司馬公墓晉書譙剛王遜字子悌宣王弟魏
中郎將進之子也封涇陽男武帝受禪封譙王子隨

嗣隨薨 過水又東逕朱龜墓北東南流逕冢南冢南

諡定王

枕道有碑碑題云漢故幽州刺史朱君之碑龜字伯

靈光和六年卒官故吏別駕從事史右北平無終年

化

上下疑有訛字朱云當作
年化即造碑故吏姓名也

中平二年造碑陰刊故

吏姓名悉薊涿及上谷北平等人過水東南逕層丘
北丘阜獨秀巍然介立故壁壘所在也過水又東南
逕城父縣故城沙水枝分注之水上承沙水於思善
縣世謂之漳水故有漳頭之名也東北流逕城父故
城西側城東北流入于過過水又東逕下城父北郡
國志曰山桑縣有下父聚者也按郡國志曰山桑縣
有下城父聚有垂惠
聚過水又屈逕其聚東郎山西又東南屈逕郎山南
山東有垂惠聚世謂之禮城袁崧郡國志曰山桑縣

有垂惠聚即此城也。過水又東南逕過陽城北側臨過水。魏太和中為州治，以蓋表為刺史。後罷州立郡。

按後魏地形志景明中置過陽郡，孝昌中陷。武定七年復置州治過陽城。據此則置郡在前，置州在後。而此則云先置州後罷州，立郡似與魏志不符。 於帶邊疑作戍過水又東南

逕龍亢縣故城南。漢建武十三年世祖封傅昌為侯。

國按後漢書傅俊傳俊于建武二年封昆陽侯七年卒子昌嗣徙封蕪湖侯從無龍亢之封此不知何

據故語曰沛國龍亢至山桑者也。過水又屈而南流。

出石梁梁石崩褫決岸積石高二丈水歷其間又東。

南流逕荆山而東流注也

又東南至下邳淮陵縣入于淮

下邳今為淮安府邳州

澗水又東左合北肥水肥水出山桑縣西北澤數東南流左右翼佩數源異出同歸蓋微脉涓注耳東南流逕山桑邑南俗謂之北平城昔文欽之封山桑侯疑食邑於此城東南有一碑碑文悉破無驗唯碑背故吏姓名尚存熹平元年義北

何氏校改義士門生沛國蕭

縣劉定興立北肥水又東逕山桑縣故城南俗謂之

都亭城非也今城內東側猶有山亭築立陵阜高峻
非洪臺所擬十三州志所謂山生於邑其亭有桑因
以氏縣者也郭城東有文穆碑塚三世二千石穆郡
戶曹史徵試博士太常丞以明氣候擢拜侍中右中
郎將遷九江彭城陳留四部何氏校改郡光和中卒故吏
涿郡太守彭城呂虔等立北肥水又東積而為陂謂
之瑕陂陂水又東南逕瑕城南春秋左傳成公十六
年楚師還及瑕即此城也故京相璠曰瑕楚地北肥

水又東南逕向縣故城南地理志曰故向國也世本

曰許州向中

中疑訛當作甲

姜姓也炎帝後京相璠曰向沛

國縣今并屬譙國龍亢也杜預曰龍亢縣東有向城

漢世祖建武十三年更封富波侯王霸為侯國即此

城也俗謂之圓城非也又東南逕義城南世謂之楮

城非也又東入于過過水又東注淮經言下邳淮陵

入淮誤矣

汭水出陰溝逕浚儀縣北

陰溝即蕩蕩渠也亦言汭受旃然水又云丹泌亂流於武德絕河南入滎陽合汭故汭兼丹水之稱河沛

何氏校

水新

宋本作斷

汭承旃然而東自王實灌大梁

王實

當作王賁史記秦始皇二十二年王賁攻魏引河溝灌大梁大梁城壞其王請降

水出縣南

而不逕其北夏水洪泛則是瀆津通故渠即陰溝也

于大梁北又曰浚水矣故園稱著陳留風俗傳曰浚水逕其北者也又東汭水出焉故經云汭出陰溝於浚儀縣北也汭水東逕倉垣城南即大梁縣之倉垣

亭也城臨汜水陳留相畢邈治此征東將軍荀晞之

西也邈走歸京晞使司馬東萊王讚代據倉垣斷留

漕運

晉書荀晞傳晞字道將河內山陽人行兗州刺史破汜桑敗石勒威名甚盛時人擬之韓白進

位征東將軍開府儀同三司加侍中假節鉞晞以京邑荒饉寇難交至表請遷都俄而京師陷晞與征虜

將軍王讚屯倉垣

汜水又東逕陳留縣之鉞鄉亭北陳留風

俗傳所謂縣有鉞鄉亭即斯亭也汜水又逕小黃縣

故城南

在今開封府城東北

神仙傳稱靈壽光扶風人死于江

陵胡固家固殯埋之後百餘日人有見光于此縣寄

書於罔罔發視之唯有履存汜水又東逕鳴鴈亭南
春秋左傳成公十六年衛侯伐鄭至于鳴鴈者也杜

預釋地云在雍丘縣

今為杞縣

故城北逕陽樂城南西征

記曰城在汜北一里周五里雍丘縣界汜水又東有

故渠出焉南通睢水謂之董生決或言董氏作亂引

水南通睢水故斯水受名焉今無水汜水又東枝津

出焉俗名之為洛架口西征記曰洛架水名也續述

征記曰在董生決下二里汜水又逕外黃縣南

外黃故城

在今杞縣東北

又東逕莠倉城北續述征記曰莠倉城去大

游墓二十里又東逕大齊城南陳留風俗傳曰外黃

縣有大齊亭又東逕科城北陳留風俗傳曰縣有科

稟亭是則科稟亭也汜水又東逕小齊城南汜水又

南逕利望亭南風俗傳曰故曰衍成安也地理志曰

陳留舊名漢武帝以封韓延年為侯國汜水又東龍

門故瀆出焉瀆舊通睢水故西征記曰龍門水名也

門北有土臺高三丈餘上方數十步汜水又東逕濟

陽考城縣

今屬歸德府

故城南為菑獲渠考城縣周之采

邑也於春秋為戴國矣左傳莊公十年秋宋衛蔡伐

戴是也漢高帝十一年秋封彭祖為侯國

史記高祖功臣表十

一年三月封彭祖為戴侯索隱曰戴地名音再應劭曰章帝改曰考城在故菑縣

陳留風俗

傳曰秦之穀縣也後遭漢兵起邑多災年故改曰菑

縣王莽更名嘉穀章帝東巡過縣詔曰陳菑縣其名

不善高祖鄙柏人之邑世宗休聞喜而顯獲嘉應亨

吉

疑漏之字

元符嘉皇靈之顧賜越有光列考武王其改

留縣曰考城是瀆蓋因縣以得名矣汜水又東逕寧

陵縣

今屬歸德府

之沙陽亭北故沙隨國矣春秋左傳成

公十六年秋會于沙隨謀伐鄭也杜預釋地曰在梁

國寧陵縣北沙陽亭是也世以為堂城非也汜水又

東逕黃蒿塢北續述征記曰堂城至黃蒿二十里汜

水又東逕斜城下續述征記曰黃蒿到斜城五里陳

留風俗傳曰考城縣有斜亭汜水東逕周塢側續述

征記曰斜城東三里晉義熙中劉公遣周超之自彭

城緣泛

宋本作
泛

故溝斬樹穿道七百餘里以開水路停

薄于此故茲塢流稱矣汜水又東逕葛城北

在今寧
陵縣北

一百里故葛伯之國也孟子曰葛伯不祀湯問曰何為

不祀稱無以供祭祠遺葛伯葛伯又不祀湯又問之曰

無以供犧牲湯又遺之又祀湯又問之曰無以供

粢盛湯使亳衆往為之耕老弱饋食葛伯又率民奪

之不授者則殺之湯乃伐葛葛于六國屬魏魏襄王

以封公子無咎號信陵君

按史記信陵君列傳魏公
子無忌者魏昭王少子而

魏安釐王異母弟也昭王薨安釐王即位封公子為信陵君今云魏襄王以封公子無咎號信陵君似誤又按魏世家襄王立十六年卒子哀王在位二十三年卒子昭王嗣位十九年卒而後安釐立其距襄王已四十餘年矣其地葛鄉即是城也在寧陵縣四千里當作在寧

陵縣西十里郡國志云寧陵縣故屬陳留有葛鄉故葛伯國也 汜水又東逕神坑塢

又東逕夏侯長塢續述征記曰夏侯塢至周塢各相距五里汜水又東逕梁國睢陽縣故城北而東歷襄鄉塢南續述征記曰西去夏侯塢二十里東一里即襄鄉浮圖也汜水逕其南漢熹平君所立

按熹平是漢靈帝年

號此當云熹平某年某君所立死因葬死因葬之刻
之方順今但云熹平君所立似有訛脫

石樹碑以旌厥德隧前有師子天鹿累塼原本作百

達柱八所荒蕪頽毀彫落畧盡矣

又東至梁郡蒙縣為濉水餘波南入淮陽何氏校改睢陽城中

汧水又東逕貫城南俗謂之薄城非也闕駟十三州

志以為貫城也在蒙縣西北春秋僖公二年齊侯宋

公江黃按春秋當作江人黃人盟于貫杜預以為貫當作貫杜預曰貫與

貫字相似音市也云貫貫字相似貫在齊謂貫澤也

是以非此也今於此地更無他城在蒙西北唯是邑耳考文準地貫邑明矣非毫可知汲水又東逕違縣故城北俗謂之小蒙城也西征記城在汲水南十五六里即莊周之本邑也為蒙之漆園吏郭景純所謂漆園有傲吏者也悼惠施之沒杜門于此邑矣

莊子云莊

子送葬過惠子之墓謂從者曰自夫子之死也吾無以為質矣吾無與言之矣汲水自縣南

出今無復有水唯睢陽城南側有小水南流入于睢城南二里有漢太傅掾橋載墓碑載字元賓梁國睢

陽人也睢陽公子熹平五年立城東百步有石室刊

石

宋本作云

漢鴻臚橋仁祠城北五里有石虎石柱而無

碑誌不知建也

宋本作不知何時建也

汜水又東逕大蒙城北

自古不聞有二蒙疑即蒙亳也所謂景薄為此

宋本作此

亳矣椒舉云商湯有景亳之命者也闕駟曰湯都也

亳本帝嚳之墟在禹貢豫州河洛之間今河南偃師

城西二十里尸鄉亭是也皇甫謐以為考之事實學

者失之如孟子之言湯居亳與葛為鄰是即亳與葛

比也湯地七十里葛又伯耳封域有限而寧陵

郡國志云

寧陵故葛伯國

今屬歸德府

去偃師八百里不得童子饋餉而為

之耕今梁國自有二亳南亳在穀熟北亳在蒙非偃

師也古文仲虺之誥曰葛伯仇餉征自葛始即孟子

之言是也崔駰曰湯冢在濟陰薄縣北皇覽曰薄城

北郭東三里平地有湯冢冢四方方各十步高七尺

上平也漢哀帝建平元年大司空史弼長卿按行水

災因行湯冢在漢屬扶風今徵之迴渠亭有湯地

宋本

池作徵陌是也然不經見難得而詳按秦寧公本紀云

二年伐湯三年與亳戰亳王奔戎遂滅湯

史記秦本紀寧公二

年遣兵伐蕩社徐廣曰蕩音湯社一作杜索隱曰西戎之君號曰亳王蓋成湯之脗其邑曰蕩社徐廣曰一作湯杜言湯邑在杜縣之界故曰湯社也皇甫謐曰亳王號湯西夷之國也然則周穆衍

桓王時自有亳王號湯為秦所滅乃西戎之國葬於徵者也非殷湯矣劉向言殷湯無葬處為疑杜預曰梁國蒙縣北有薄伐城城中有成湯冢其西有箕子冢今城內有故冢方墳疑即杜元凱之所謂湯冢者

也而世謂之王子喬冢冢側有碑題云仙人王子喬
碑曰王子喬者蓋上世之真人聞其仙不知興何代
也博問道家或言潁川或言產蒙初建此城則有斯

丘傳承先民

四字疑
有訛脫

曰王氏墓

上下疑
有訛脫

暨于永和之

元年冬十二月當臘之時夜上有哭聲其音甚哀附
居者王伯怪之明則祭而察焉時天鴻雪下無人徑
有大鳥跡在祭祀處左右咸以為神其後有人著大
冠絳單衣杖竹立冢前呼採薪孺子伊永昌曰我王

子喬也勿得取吾墳上樹也忽然不見時令太山當

作太山萬喜

朱云當作熙

稽故老之言感精瑞之應乃造靈

廟以休厥神於是好道之儔自遠方集或絃琴以歌

太一或譚思以歷丹田知至德之宅兆實真人之祖

先延熹八年秋八月皇帝遣使者奉犧牲致禮祠濯

之敬

一作祇懼之敬

肅如也國相東萊王璋字伯義以為神

聖所興必有銘表乃與長史邊乾遂樹之玄石紀頌

遺烈觀其碑文意似非遠既有經見不能不書存朱本

下有馬字何
校改耳字

獲水出汭水於梁郡蒙縣北

漢書地理志曰獲水也十三州志曰首受留獲渠亦

兼丹水之稱也竹書紀年曰宋殺其大夫皇緩竹書紀年

作于丹水之上又曰宋大夫按今竹書無又曰宋大夫五字恐屬衍文丹

水壅不流盖汭水之變名也獲水自蒙東山水南有

漢故繹幕令匡碑匡字公輔魯府君之少子也碑字

碎落不可尋識竟不知所立歲月也獲水又東逕長

樂固北已氏縣南東南流逕于蒙澤十三州志曰蒙

澤在縣東春秋莊公十二年宋萬與公爭博殺閔公

於斯澤矣

史記宋微子世家湣公十年宋伐魯戰于乘丘魯虜宋南宮萬宋人請萬歸宋十

一年秋湣公與南宮萬獵因博爭行湣公怒辱之曰始吾敬若今若魯虜也萬有力病此言遂以局殺湣

公于蒙澤

泆水又東逕虞縣

今歸德府虞城縣

故城北古虞國也

昔夏少康逃奔有虞為之庖正虞思于是妻之以二

姚者也王莽之陳定亭也城東有漢司徒公盛允墓

碑

何氏云王代姓氏急就篇有盛允疑即此人

公字伯世梁國虞人也其

先與氏至漢中葉避孝元皇帝諱改姓曰盛世濟其

美以迄于公察孝廉除郎累遷司空司徒延熹中立

墓中有石廟廟宇

原本
訛字

傾頽基構可

原本
訛有

尋獲水又

東南逕空桐澤北澤在虞城東南春秋哀公二十六

年冬公

宋景
公也

遊于空澤辛巳卒于連中

杜預曰空澤
宋邑連中館

名大尹左師興空澤之士壬申

按黃本作壬申固誤
吳本改作壬午亦誤

左傳哀公二十六年宋景公遁于空澤辛巳卒于連
中大尹興空澤之士壬申奉公自空桐入如沃宮杜

預注曰空澤宋邑連中館名千甲甲士千
人今訛千甲為壬申非是

朱箋已明
奉公自空

桐入如沃宮者矣獲水又逕龍譙國又東合黃水口

上承黃陂下注獲水獲水又東入櫟林世謂之九里

祚

祚宋本作柞陸機詩疏云秦人謂柞為櫟河內人謂木蓼為櫟

獲水又東南逕下

邑縣故城北楚考烈王滅魯頃公亡遷下邑又楚漢

彭城之戰呂后弟周軍於下邑

今歸德府夏邑縣

高祖敗還

從周軍子房肇捐地之策收垓下之師

史記高祖本紀漢二年漢

王入彭城項羽引兵出胡陵與漢大戰大破漢軍時呂后兄周呂侯為漢將兵居下邑漢王從之稍收士卒又張良傳曰漢王兵敗而還至下邑漢王下馬據鞍而問曰吾欲捐關已東等棄誰可與共功者良曰

九江王布楚泉將與項王有隙彭越與齊王田榮反
梁地此兩人可急使而漢王之將獨韓信可屬大事
當一面即欲捐之捐之此三人可破也高紀又云漢
四年漢王追項羽至陽夏與信越期會擊楚至固陵
不會楚擊漢軍大破之問張良計于是信越皆往五
年高祖與諸侯兵共擊楚軍與項羽決勝垓下大敗
楚軍追殺項羽于東城

陸機所謂即謀下邑者也王莽更名下

治

按漢志當作下洽

矣獲水又東逕碭縣

今為徐州府碭山縣

故城北

應劭曰縣有碭山山在東出文石秦立碭郡蓋取山
之名也王莽之節碭縣也山有梁孝王墓其冢斬山
作郭穿石為藏行一里到藏中有數尺水水有大鯉

魚黎民謂藏有神不敢犯之凡到藏皆潔齋而進不
齋者至藏輒有獸噬其足獸難得見見者云侶狗所
未詳也山上有梁孝王祠獲水又東穀水注之上承
陽陂陂中有香城城在泗水之中承諸陂散流謂零
水瀼水清水也積而成潭謂之碭水趙人有琴高者
以善鼓琴為康王舍人行彭涓之術浮遊碭郡間二
百餘年後入碭水中取龍子與弟子期曰皆潔齋待
於水傍設屋祠果乘赤鯉魚出入坐祠中碭中有千

萬人觀之留月餘復入水也陂水東注謂之穀水東
逕安山北即碭北山也山有陳勝墓秦亂首兵伐秦
弗終厥謀死葬於碭諡曰隱王也穀水又東北注于
獲水獲水又東歷藍田鄉郭又東逕梁國杼秋縣故
城南王莽之子按漢志
當作子秋也獲水又東歷洪溝東注
之水南北各一溝溝首獲世謂之洪溝非也春秋昭
公八年秋蒐于紅杜預曰沛國蕭縣西有紅亭即地
理志之虹縣高后三年封楚王元子富為侯國

漢書
王子

侯表孝景元年封楚元王子富為休侯三年以
王子戊反免後更封紅侯此云高后三年封誤
王莽
之所謂貢矣蓋溝名是同非楚漢所分也

又東過蕭縣南

今徐州府治

獲水北流注之蕭縣南對山世謂之蕭城南山也戴
延之謂之同孝山云取漢陽城侯劉德所居里名目
山也劉澄之云縣南有冒山未詳孰是也山有箕谷
谷水北流注獲世謂之西流水言水上承梧桐陂陂
水西流因以為名也余嘗逕蕭邑城右唯是水北注

獲水更無別水疑即經所謂睢水也城東西及南三

面側臨獲水故沛郡治縣亦同居矣城南舊有石橋

處耗

二字疑衍

積石為梁高二丈今荒毀殆盡亦不具誰

所造也縣本蕭叔國宋附庸楚滅之春秋宣公十二

年楚伐蕭蕭潰申公巫臣曰師人多寒王巡三軍拊

而勉之三軍之士皆同挾纊蓋恩使之然矣蕭女聘

齊為頃公之母卻克所謂蕭同叔子也獲水又東歷

龍城不知誰所創築也獲水又東逕同孝山北山陰

有楚元王冢上圓下方累石為之高十餘丈廣百許

步經十餘墳悉結石也獲水又東淨淨溝水

宋本作淨溝下

同注之水上承梧桐陂西北流即劉中書澄之所謂

白溝水也

朱本云當作白瀆

又北入于獲俗名之曰淨淨溝

也

又東至彭城縣北

今徐州府

東入于泗

獲水自淨淨溝東逕阿育王寺北或言楚王英所造

非所詳也蓋遵育王之遺法因以名焉與安陂水合

水上承安陂餘波北逕阿育王寺側水上有梁謂之

玄注橋水傍有石墓宿經開發石作工竒殊為莊溝

宋本作壯構

而不知誰冢疑即澄之所謂凌冢也水北流

注于獲獲水又東逕彌黎城北劉澄之永初記所謂
城之西南有彌黎城者也獲水於彭城西南迴而北
流逕彭城城西北舊有楚大夫龔勝宅即楚老哭勝
處也獲水又東轉逕城北而東注泗水北三里有石
冢被開傳言楚元王之孫劉向冢未詳是否城即殷

大夫老彭之國也於春秋為宋地楚伐宋并之以封

魚石崔子季珪述初賦曰想黃公於邳汜勒魚石於

彭城即是縣也孟康曰舊名江陵為南楚陳為東楚

彭城為西楚

朱本引史記正義曰淮南北沛郡汝南郡為西楚彭城以東東海吳廣陵為東

楚衡山九江江南豫章長沙為南楚

文穎曰彭城故東楚也項羽都謂

之西楚漢祖定天下以為楚郡封弟交為楚王都之

宣帝地節元年更為彭城郡

史記楚元王世家高祖六年封弟交為楚王都

彭城子王戊與吳王合謀反起兵昌邑南楚王戊自殺孝景帝以元王子禮為楚王奉元王宗廟地節二

年中人上書告楚王謀反王
自殺國除入漢為彭城郡

王莽更之曰和樂郡也

徐州治城內有漢司徒袁安魏中郎徐庶等數碑並
列植於街右咸曾為楚相也大城之內有金城東北
小城劉公更開廣之皆壘石高四丈列塹環之小城
西又一城是大司馬琅邪王所修因項羽故臺經始
即構宮觀門閤惟新厥制義熙十二年霖雨驟澍汴
水暴長城遂崩壞冠軍將軍彭城劉公之子登更築
之悉以塼壘宏壯堅峻樓櫓赫奕南北所無宋平北

將軍徐州刺史河東薛安都舉城歸魏魏遣博陵公尉苟仁城陽公孔伯恭援之邑閭如初觀不異昔自後毀撤一時俱盡聞遺工雕鏤尚存龍雲逞勢竒為精妙矣城之東北角起層樓於其上號曰彭祖樓地理志曰彭城縣故彭祖國也世本曰陸終之子其三曰錢是為彭祖彭祖城是也下曰彭祖冢彭祖長年八百綿壽永世於此有家蓋亦元極之化矣其樓之側汴帶泗東此

疑作北

為二水之會也聳望川原極目

清野斯為佳處矣

水經注集釋訂訛卷二十三

欽定四庫全書

水經注集釋訂訛卷二十四

歸安沈炳異撰

睢水

睢水出梁郡鄆縣

睢水出陳留縣西蒗蕩渠東北流地理志曰睢水首受陳留浚儀蒗蕩水也經言出鄆非矣又東逕高陽故亭北俗謂之陳留北城非也蘇林曰高陽者陳留

北縣也按在留使鄉聚名也有漢廣野君廟碑延熹

六年十二月雍丘令董生

何氏校隸釋作董之董非氏乃董督之董 長隸釋

作長仰餘徽於千載遵茂美於絕代命縣人長照為文

用章不朽之德其畧云輟洗分餐諮謀帝猷陳鄭有

涿鹿之功海岱無牧野之戰大康華夏綏靜黎物生

民以來功盛莫崇今故字

當作字或作事

無聞而單碑介立

矣陳留風俗傳曰酈氏居於高陽沛公攻陳留縣酈

食其有功封高陽侯

按史漢表及傳酈食其從無高陽侯之封惟其子疥封高梁侯

豈因此而誤耶 有酈俊字文山官至公府掾大將軍商有功

食邑于涿故自陳留縣

此下有
訛誤

有鉞亭鉞鄉建武二

年世祖封王常為侯國也

按後漢書王常傳常于建武二年封山桑侯似與上

文無涉詎此句係他處注錯簡于此耶

睢水又東逕雍丘縣故城北縣

舊杞國也殷湯周武以封夏后繼禹之嗣楚滅杞秦

以為縣圜稱曰縣有五陵之名故以氏縣矣城內有

夏侯祠昔在二代享祀不輟秦始皇圖築其表為大

城而以縣焉睢水又東水積成湖俗謂之白羊陂陂

方四十里右則奸梁陂水注之其水上承陂水東北
逕雍丘城北又東分為兩瀆謂之雙溝俱入白羊陂
陂之東合洛架水口水上承汜水謂之洛架水東南
流入于睢水睢水又東逕襄邑縣

今歸德府睢州

故城北又

東逕雍丘城北睢水又東逕寧陵縣故城南故葛伯
國也王莽改曰康善矣歷鄆縣北二城南北相去五
十里故經有出鄆之文城東七里水次有單父令楊
彥尚書郎楊禪字文節兄弟二碑漢光和中立也

又東過睢陽縣南今為歸德府

睢水又東逕橫城北春秋左傳昭公二十一年樂大

心豐愆華捩禦華向於橫杜預曰梁國睢陽縣南有

橫亭今在睢陽縣西南世謂之光城蓋光橫聲相近

習傳之非也睢水又逕新城北即宋之新城亭也春

秋左傳文公十四年公會宋公陳侯衛侯鄭伯許男

曹伯晉趙盾盟于新城者也睢水又東逕高鄉亭北

又東逕亳城北南亳也即湯所都矣明一統志亳城在歸德府城東

南四十里契父帝嘗都亳湯自商丘遷焉鄭康成云亳今河南偃師縣漢書音義曰濟陰亳縣杜預曰梁國蒙縣皇甫謐曰孟子稱湯居亳與亳為鄰芑即今寧陵縣芑鄉亳乃今穀熟縣也蒙為北亳即吳亳湯受命之地穀熟為南亳湯所都偃師為西亳即盤庚所徙書立政所謂三亳是也古書亡滅未知孰得其

真 睢水又東逕睢陽縣故城南周武王封微子啟于

宋以嗣殷後為宋都也昔宋元君夢江使乘輜車被繡衣而謁于元君元君感衛平之言而求之于泉陽男子余且獻神龜于此矣秦始皇二十二年以為碭郡漢高祖嘗以沛公為碭郡長天下既定五年為梁

國文帝十二年封少子武為梁王太后之愛子景帝

寵弟也是以警衛貂飾同天子藏珍積

上下疑有脫文按漢書梁

孝王傳當作珠玉寶器多于京師

多擬京師招延豪傑士咸歸之長

卿之徒免官來遊廣睢陽城七十里大治宮觀臺苑

屏榭勢並皇居其所經構也役夫流唱必曰睢陽創

創疑當作曲按後漢書郡國志睢陽縣注引地道記曰梁孝王築城十二里小鼓唱節杵下而和之稱睢

陽曲傳曰

朱云當作由

此始也城西門即寇先鼓琴處也先

好釣居睢水傍宋景公問道不告殺之後十年止此

門鼓琴而去宋人家奉祀之南門曰盧門也春秋
華氏居盧門里叛杜預曰盧門宋城南門也司馬彪
郡國志曰睢陽縣有盧門亭城內有高臺甚秀廣巍
然介立超焉獨上謂之蠡臺亦曰升臺焉當昔全盛
之時故與雲霞競遠矣續述征記曰迴道似蠡故謂之
蠡臺非也余按闕子漢書藝文志縱橫家有闕子
一篇注所引用即是書也稱
宋景公使工人為弓九年乃成公曰何其遲也對曰
臣不復見君矣臣之精盡于弓矣獻弓而歸三日而

死景公登虎園之臺援弓東面而射之矢踰于西霜
之山集于彭城之東餘勢逸勁猶飲羽于石梁然則

蠡臺即是虎園臺也蓋宋世虎牢所在矣晉太和中

大司馬桓溫入河命豫州刺史袁真開石門鮮卑垂

戍此臺真頓甲堅城之下不果而還

晉書桓溫傳太和四年以溫領

平北將軍率步騎北伐進次金鄉時亢旱水道不通乃鑿鉅野三百餘里以通舟運遂至枋頭先使西中郎袁真伐譙郡開石門以通運譙郡皆平而不

能開石軍糧竭盡為慕容垂所退遂致敗績 蠡南

如

南如二字誤疑當作臺之

西又有一臺俗謂之女郎臺臺之西

北城中有涼馬臺臺東有曲池池北列兩釣臺水周
六七百步蠡臺直東又有一臺世謂之雀臺也城內
東西道北有晉梁王妃王氏陵表並列二碑碑云妃
諱祭字女儀東萊曲城人也齊北海府君之孫司空
東武景侯之季女咸熙元年嬪于司馬氏泰始二年
妃于國太康五年薨營陵于新蒙之疑有脫文太康九年
立碑東即梁王之吹宮疑作臺也基陞階礎尚在今建
追明寺故宮東即安梁之舊地也廣周五六百步水

列釣臺池東又有一臺世謂之清冷臺北城憑隅又
結一池臺晉灼曰或說平臺在城中東北角亦或言
兔園在平臺側如淳曰平臺離宮所在今城東二十
里有臺寬廣而不甚極高俗謂之平臺余按漢書梁
孝王傳稱王以功親為大國築東苑方三百里廣睢
陽城七十里大治宮室為複道自宮連屬於平臺三
十餘里複道自宮東出揚州之門左
疑當作東出
陽門之左陽
門即睢陽東門也連屬於平臺則近矣屬之城隅則

不能是知平臺不在城中也梁王與鄒枚司馬相如
之徒極遊於其上故齊隨郡王山居序所謂西園多
士平臺盛賓鄒馬之客咸在伐木之歌屢陳是用追
芳昔娛神遊千古故亦一時之盛事謝氏賦雪亦曰
梁王不悅遊於兔園今也歌堂淪宇律管埋音孤墓
宋本塊立無復曩日之望矣城北五里便得漢太
作墓尉橋玄墓冢東有廟即曹氏孟德親酌處操本素微
嘗候於玄玄曰天下將亂能安之者其在君乎操感

知己後逕玄墓祭云操以頑質見納君子士死知己
懷此無忘又承約言徂歿之後路有經由不以斗酒
隻雞過相沃酹車過三步腹痛勿怨雖臨時戲言非
至親篤好胡肯為此辭哉悽愴致祭以申宿懷冢列
數碑一是漢朝羣儒英才哲士感橋氏德行之美乃
共刊石立碑以示後世一碑是故吏司徒博陵崔列
廷尉河南吳整等以為至德在已揚之由人苟不驕
述夫何舍焉

蔡中郎集載此碑作
苟不傲述夫何考焉

乃共勒嘉石昭明

芳烈一碑是隴西枹

此句上下疑有訛脫

罕北次陌碣守長隲

為左尉漢陽獮道趙馮孝高以橋公嘗牧涼州感三

綱之義慕將順之節以為公之勲美宜宣舊邦乃樹

碑頌以昭令德光和元年主記掾李反

宋本作友字仲遼

字

仲遼作碑文碑陰有石

疑作右

鼎文建寧三年拜司空

又有中鼎文建寧四年拜司徒又有左鼎文光和元

年拜太尉鼎銘文曰故臣門人相與述公之行咨度

體則文德銘于三鼎武功勤于征鉞書于碑陰以昭

光懿又有鉞文稱是用鏤石假象作茲征鉞軍鼓陳
之于東階亦以昭公之文武之勲焉廟南列二石柱
柱東有二石羊羊北有二石虎廟前東北有石駝駝
西北有二石馬皆高大亦不甚雕飾惟字下疑
有毀字廟

顏構粗傳遺墉石鼓仍存鉞今不知所在睢水於城

之陽積而為逢洪陂

御覽引此
作逢洪陂

陂之西南有陂又東

合明水水上承城南大池池周千步南流會睢謂之
明水絕睢注渙睢水又東南流歷于竹圃水次綠竹

陰渚菁菁實望世人言梁王竹園也睢水又東逕穀
熟縣故城北睢水又東蘄水出焉睢水又東逕粟縣

故城北

按漢志沛郡有粟縣莽曰成富此云粟縣似是

地理志曰侯國也王

莽曰成富睢水又東逕太丘縣故城北地理志曰故

敬丘也漢武帝元朔三年封魯恭王子節侯劉政為

侯國

按漢書王子侯表魯恭王子政封瑕丘侯不封敬丘侯按地志瑕丘屬山陽郡敬丘屬沛郡注

似誤引漢明帝更從今名列仙傳曰仙人文賓邑人賣

鞞履為業矣

列仙傳曰文賓太丘人賣草履為業數取姬數十年輒去之後時故姬年九十

餘續見賓年更壯拜賓問道賓令其至正月朔會鄉
亭西社教令服菊花地膚桑寄生松子姬亦更壯

睢水又東逕芒縣故城北

太丘及芒縣今俱為歸德府永城縣

漢高帝

六年封郟跖為侯國

史記表作郟昭徐廣曰一作起漢表作跖

王莽之傳

治世祖改曰臨睢城西二里水南有豫州從事皇毓

碑殞身州牧陰君之罪時年二十五臨睢長平輿

平輿

屬汝南郡

李君二千石丞輪氏

輪氏縣名屬潁川郡

夏文則高其行

而悼其殞州國咨嗟旌閭表墓昭叙令德式示後人
城內有臨睢長左馮翊王君碑善有治功累遷廣漢

屬國都尉吏民思德縣人公府掾陳盛孫郎中兒定

興劉伯鄜等共立石表政以刊遠績縣北與碭縣分

水有碭山芒碭縣之間山澤深固多懷神智有仙者

涓子主柱並隱碭山得道

涓子主柱二仙名按列仙傳云涓子齊人也餌未接

食其精至三百年乃見于齊隱于碭山能致風雨受伯陽九仙法主柱者與道士共上碭山餌丹砂三年

得神砂飛雪服之五年能飛行漢高祖隱之呂后望氣知之即於是

處也京房易候曰何以知賢人隱師曰視四方常有

大雲五色具而不雨其下賢人隱矣

又東過相縣南屈從城北東流當蕭縣南入于睢

相縣故宋地也秦始皇二十三年以為泗水郡漢高

帝四年改曰沛郡治此漢武帝元狩六年封南越桂

林監居翁

索隱曰監官也居姓翁字

為侯國曰湘成也

按史記表索隱曰漢

表在堵陽漢書功臣表亦云在堵陽按堵堵陽縣屬南陽郡則湘成乃堵陽之鄉名恐非沛郡之相縣也注

似誤引

王莽更名郡曰吾符縣曰吾符亭也睢水東逕

石馬亭亭西有漢故伏波將軍馬援墓睢水又東逕

相縣故城南宋恭公之所都也國府園中猶有伯姬

黃堂基堂夜被火左右曰夫人少避伯姬曰婦人之
義保傅不具夜不下堂遂遇火而死斯堂即伯姬燬
死處也城西有伯姬冢昔鄭渾為沛郡太守於蕭相
二縣興陂堰民賴其利刻石頌之號曰鄭陂睢水又
左合白瀆水水上承梧桐陂陂側有梧桐山陂水西
南流逕相城東而南流注于睢睢盛則北流入于陂
陂隘則西北注于睢出入迴環更相通注故經有入
睢之文睢水又東逕彭城郡之靈壁東東南流漢書

項羽敗漢王于靈壁東即此處也又云東逼穀泗服
虔曰水名也在沛國相界又詳睢水逕穀熟兩分而
睢水為蘄水故二水所在枝分通為蕪稱穀水之名
蓋因地變然則穀水即睢水也又云漢軍之敗也睢
水為之不流睢水又東南逕竹縣故城南地理志曰
王莽之篤亭也李奇曰今竹邑縣也睢水又東與淠
湖水合水上承留丘縣之淠陂南北百餘里東西四
十里東至朝解亭西屆彭城留丘縣之故城東王莽

更名之曰善丘矣其水自陂南系于睢水睢水又東南八丈故溝水注之水上承蘄水而北會睢水又東

逕符離縣故城北漢武帝元光四年

按史記表是封元狩四年

路博德為侯國王莽之符合也睢水東逕臨淮郡之取慮故城北昔汝南步遊張少失其母及為縣令遇母於此乃使良馬蹠蹠輕軒罔進顧訪病姬乃其母也誠願宿憑而冥感昭徵矣睢水又東合烏慈水水出縣西南烏慈渚潭漲東北流與長直故瀆合溝舊

上承蘄水北流八十五里注烏慈水烏慈水又東逕取慮縣南又東屈逕其城東而北流注于睢水又

東逕睢陵縣故城北漢武帝元朔元年封江都易王

子劉楚為侯國

史漢表俱作劉定國江都易王子亦無名楚者此云劉楚誤

王莽

之睢陵也

按漢志當作睢睦

睢水又東與潼水故瀆會舊

疑作

水上承潼縣西南潼陂東北流逕潼縣

按漢志臨淮郡有潼縣無

潼縣此云潼未詳

故城北又東北逕睢陵縣下會睢水又

東南流逕下相縣故城南高祖十三年

高祖無十三年當是十二

年封莊侯冷耳為侯國應劭曰下相水出沛國相縣故此如下也然則下相又是睢水之別名也東南流入于泗謂之睢口經止蕭縣非也所謂得其一而亡其二矣

瓠子河出東郡濮陽縣北河

今山東東昌府濮州治

縣北十里即瓠河口也尚書禹貢雷夏既澤雖沮會同爾雅曰水自河出為雖許慎曰雖者河雖水也暨漢元光之年河水南決漂害民居武帝元封二年上

使汲仁郭昌發卒數萬人塞瓠子決河於是上自萬里沙還臨決河沈白馬玉璧令羣臣將軍以下皆負

薪填決河上悼功之不成乃作歌曰瓠子決兮將奈

何殫為河兮地不寧功無已時兮吾山平吾山平兮

巨野溢魚沸鬱兮柏冬日正史記作延道弛兮離常流蛟

龍騁兮放史記作方遠遊歸舊川兮神哉沛不封禪兮安

知外皇史記作為謂河公史記作伯兮何不仁泛濫不止兮愁

苦史記作吾人齧桑浮兮淮泗滿久不反兮水唯緩一日

河湯湯兮激潺湲北渡迴

史記作迺

兮迅流難蹇長旌

史記

作菱兮湛美玉隤林竹兮捷石菑宣防塞兮萬福來於

是卒塞瓠子口築宮於其上名曰宣房宮水

宋本作故

謂瓠子堰為宣房堰而水亦以瓠子受名焉平帝已

後未及修理河水東浸日月彌廣永平十二年顯宗

詔樂浪人王景治渠築堤起自滎陽東至千乘一千

餘里景乃防遏衝要疎決壅積瓠子之水絕而不通

唯溝瀆存焉河水舊東河迴濮陽城東北故衛也帝

顓頊之墟昔顓頊自窮桑徙此號曰商丘或謂之帝

丘本陶唐氏火正閼伯之所居亦夏伯昆吾之都殷

之相

相下疑有土字

又都之故春秋傳曰閼伯居商丘相土

因之是也衛成公自楚丘遷此秦始皇徙衛君角於

野王置東郡治濮陽縣濮水逕其南故曰濮陽也沛

公守濮陽環之以水張晏曰依河水自固春秋僖公

十三年夏會于鹹杜預曰東郡濮陽縣東

按左傳杜注東下有

南有咸

杜注作鹹

城者是瓠子故瀆又東逕桃城南春

秋傳曰分曹地自洮盡曹地也今甄城西南五十里
有洮城或謂之洮也瓠瀆又東南逕清丘北春秋宣
公十二年經書楚滅蕭晉人宋衛曹同盟于清丘京
相璠曰在今東郡濮陽縣東南三十里魏都尉治

東至濟陰句陽縣為新溝

句陽縣故城在今兗州府曹
縣北三十里漢志濟陰郡句

陽縣應劭曰左氏傳句
瀆之丘也師古曰音鉤

瓠河故瀆又東逕句陽之小成陽城北

宋本無城北
此二字

側瀆帝王世紀曰堯葬濟陰成陽西北四十里是為

穀林墨子以為堯堂高三尺土階三等北教八狄道

死葬蛭山之陰山海經曰堯葬狄山之陽一名崇山

二說各殊以為成陽近是堯冢也余按小成陽在成

陽西北一作南半里許實牛疑作中俗彥以為囚堯城汲冢

瑣語舜放堯于平陽續述征記云小成陽在陽城西

南半里許俗云囚堯城括地志引竹書云昔堯末年

德衰為舜所囚故濮州郵城縣東北十五里有囚堯城士安蓋以是為堯冢也

漢志成陽縣有堯冢瓠子北有都關縣故城縣有羊里亭瓠河

水經注集釋訂記

水經注集釋訂記

十五

異稱矣黃初中賈逵為豫州刺史與諸將征吳於洞

浦有功魏封逵為羊里亭侯

魏志賈逵傳逵征吳破呂範于洞浦進封陽里

亭侯今云羊里未詳

邑四百戶即斯亭也俗名之羊子城非也

蓋韻近字轉耳又東右

原本訛石

會濮水之津水上承濮

渠東逕鉏丘城南京相璠曰今濮陽城西南十五里

有沮兵城

以下疑有訛誤

六國時沮楚同以為楚丘非也又

東逕浚城南而北去濮陽三十五里城側有寒泉岡

即詩所謂爰有寒泉在浚之下世謂之高平渠非也

京相璠曰濮水故道在濮陽南者也又東逕句陽縣

西句瀆出焉濮水枝渠又東北逕句陽縣之小成陽

縣故

下疑有城字

東垂亭西而北入瓠河地理志曰濮水

首受沛於封丘縣東北至都關入羊里水者也又按

地理志山陽郡有都關縣今其城在廩丘城西考地

志山陽廩丘俱屬濟陰則都關無隸山陽理又按地

理志郡都亦是山陽之屬縣矣而東杜

疑有訛字朱云當作京相

考地驗城又並言在廩丘城南推此而論似地志之

悞矣或亦疆理參差所未詳瓠瀆又東逕垂亭北春秋隱公八年宋公衛侯遇于犬丘經書垂也京相璠曰今濟陰句陽縣小城陽東五里有故垂亭者也

又東北過廩丘縣為濮水

廩丘故城在今東昌府范縣義東堡

瓠河又左逕雷澤北其澤藪在大成陽縣故城西北一十餘里昔華胥履大跡處也其陂東西二十餘里南北一十五里即舜所漁也澤之東南即成陽縣故城下疑有史記曰武王封弟季載於成應劭曰其後乃

遷于成之陽故曰成陽也地理志曰成陽有堯冢靈

臺今成陽城西二里有堯陵

堯陵在今兗州府東平州東北三十里

陵

南一里有堯母慶都陵於城為西南稱曰靈都何氏校隸

釋作臺

鄉曰崇仁邑號修義皆立廟四周列水潭而不

流水澤通泉泉不耗竭至豐魚苟不敢採捕前並列

數碑枯

疑作枯

柏數株檀馬

朱云檀馬字訛或謂檀與駁馬也詩疏云駁馬梓榆

也諺曰斫檀不諦得繫迷繫迷尚可駁馬言三木相似也按此說似屬支離恐不可從

成林二

陵南北列馳道逕通皆以磚砌之尚修整堯陵東城

西五十餘步中山夫人祠堯妃也石壁階墀仍舊南西北三面長櫟聯蔭扶疎里餘中山夫人祠南有仲

山甫冢

仲山甫墓在今東昌府廢雷縣西北

冢西有石廟羊虎傾低破

碎畧盡於城為西南在靈臺之東北按郭緣生述征記自漢迄晉二千石及丞尉多刊石述叙堯即位至永嘉三年二千七百二十有一載記于堯妃見漢建寧四年五月成陽令管遵所立碑文云堯陵北山甫墓南二冢間伍員祠晉大安中立一碑是永興中建

今碑祠並無處所又言堯陵在城南九里中山夫人祠在城南二里東南六里堯母慶都冢堯陵北二里有仲山甫墓考地驗狀咸為疎僻蓋聞疑書疑耳雷澤西南十許里有小山孤立峻上亭亭嶒峙謂之歷山山北有小阜南屬池澤之東北有陶墟

明一統志作姚墟在

濮州東南九十里

緣生言舜耕陶所在墟阜聯屬瀆帶

宋本作濱

帶瓠河也鄭元曰歷山在河東今有舜井皇甫謐或

言今濟陰歷山是也與雷澤相比余謂鄭元之言為然

故揚雄河東賦曰登歷觀而逕望兮聊浮游于河之巖今雷首山西枕大河校之圖緯於事為允士安又

云定陶西南陶丘舜也

疑

不言在此緣生為失瓠河

之北即廩丘縣也王隱晉書地道記曰廩丘者春秋之所謂齊邑矣實表東海者也竹書紀年晉烈公十

一年田悼子卒田布殺其大夫公孫

今竹書作公孫孫下同公

孫以廩丘叛于趙田布圍廩丘翟角趙孔肩韓師

竹書

氏作救廩丘及田布戰于龍澤田師敗遁

竹書是也瓠

河與濮水俱東流經所謂過廩丘為濮水者也縣南

瓠北有羊角城

在今兗州府范縣義東堡

春秋傳曰烏餘取晉羊

角遂襲我高魚天大雨自竇入介其庫登其城尅而取之者也京相璠曰衛邑也今東郡廩丘縣南有羊角城今魯邑也今廩丘東北有故高魚城俗謂之交魚城謂羊角為角逐城皆非也瓠河又逕陽晉城南史記蘇秦說齊曰過衛陽晉之道徑于亢父之嶮者也今陽晉城在廩丘城東南一十餘里與都關為左

右也張儀曰秦下甲攻衛陽晉大闕天下之匈徐廣

史記音義云關一作開東之亢父則其道矣瓠河之

北又有邲都城

故城在兗州府汶上縣北二十里

春秋隱公三年邲

侵衛京相璠曰東都廩丘縣南三十里有故邲都地

理志曰山陽鄉也褚先生曰漢封金安上為侯國

按史

表金安上封都成侯索隱曰屬潁川此注叙邲都按志屬山陽郡似非金安上所封不詳所謂王莽

更名之曰城穀者也瓠河又東逕黎縣故城南王莽

改曰黎治矣孟康曰今黎陽也薛瓚言按黎陽在魏

郡非此黎陽也世謂黎侯城昔黎侯陽寓于衛詩所謂胡為乎泥中毛云泥中邑名疑此城也土城汙下城居小阜魏濮陽郡治也瓠河又東逕稅縣故城南地理志曰濟陰之屬縣也褚先生曰漢武帝封金日磾為侯國王莽之萬歲矣世猶謂之為萬歲亭也瓠河又東逕鄆城南春秋左傳成公十六年公自沙隨還待于鄆京相璠曰公羊作運字今東都廩丘縣東八十里有故運城即此城也

今鄆城縣屬兗州

又北過東郡范縣

今屬東昌府

東北為濟渠與將渠合

瓠河自運城東北逕范縣與濟濮枝渠合故渠上承

濟瀆於乘氏縣北逕范縣左納瓠瀆故經有濟渠之

稱又北與將渠受河於范縣西北東南逕秦亭南杜

預釋地東平范縣西北有秦亭也又東南逕范縣故

城南王莽更名建陸

漢志作睦

也漢興平中靳允為范令

曹太祖東征陶謙於徐州張邈迎呂布郡縣響應程

昱說允曰君必固范我守東阿田單之功可立即斯

邑也將渠又東會濟渠自下通謂之將渠北逕范城
東俗又謂之趙溝非也

又東北過東阿縣東

今屬兗州
府東平州

瓠河故瀆又東北左合將渠枝瀆上承將渠於范縣
東北逕范縣北又東北逕東阿城南而東入瓠河故
瀆又北逕東阿縣故城東春秋經書冬及齊侯盟于
柯左傳曰冬盟于柯始及齊平杜預曰東阿即柯邑
也按國語曹沫挾匕首劫齊桓公返遂邑于此矣

又東北過臨邑縣西

今屬濟南府

又東北過茌平縣

今屬東昌府

東為鄧里渠

自宣防

即宣防房古通

已下將渠已上無復有水將渠下

水首受河自北為鄧里渠

又東北過祝阿縣

今為濟南府齊河縣及禹城縣

為濟渠

河水自泗口出為濟水濟水二瀆合而東注于祝阿也

又東北至梁鄒縣西分為二

脉水尋梁鄒濟無二流蓋經之誤

其東北者為濟河其東者為時水又東北至濟西濟河
東北入于海時水東至臨淄縣西屈南過太山華縣東
又南至費縣今屬兗州府東入于沂

時即𪔐水也音而春秋襄公三年齊晉盟于𪔐者也
京相璠曰今臨淄唯有澧水西北入沛即地理志曰
如水矣𪔐如聲相似然則澧水即𪔐水也蓋以澧與
時合得通稱矣時水自西安城西南分為二水枝津

別出西流德會水注之水出昌國縣黃山西北流逕昌國縣故城南昔樂毅攻齊有功燕昭王以是縣封之為昌國君德會水又西北五里泉水注之水出縣南黃阜北流逕城西北入德會又西北世謂之蒼浪溝又北流注時水地理志曰德會水出昌國西北至西安入如是也時水又西逕東高苑城中而西注也俗人過令側城南注又屈其城南史記漢文帝十五年分齊為膠西王國都高邑徐廣音義曰樂安有高

苑城故俗謂之東苑也其水又北注故瀆又西蓋野溝水注之源導延鄉城東北平地出泉西北逕延鄉城北地理志曰千乘有延鄉縣世人謂故城為從城

延從字相似讀隨字改所未詳也西北流世謂之蓋

野溝又西北流逕高苑縣漢志作高苑今屬青州府北注時水時

水又西逕西高苑縣故城南漢高帝六年封丙猜為

侯國史記表作丙猜王莽之常鄉也其水側城西注京相璠

曰今樂安博昌縣今為青州府博興縣南界有時水西通濟其

上源出盤陽北至高苑下有死時中無水杜預亦云
時水於樂安枝流旱則竭涸為春秋之乾時也左傳
莊公九年齊魯戰地魯師敗處也時水西北至梁鄒
城入于沛非沛入時蓋時來注沛若沛分東流明不
得以時為名尋時沛更無別流南延華費之所斯為
謬矣

汶水出太山萊蕪縣

今屬濟南府

原山西南羸縣南

萊蕪縣在齊城西南原山又在縣西南六十許里地

理志汶水與淄水俱出原山西南入泲故不得過其

縣南也

原山在今萊蕪縣東北七十里東接益都西接章丘北接淄川縣界高聳出羣山之上亦

名馬耳山魏收志羸縣有馬耳山汶水所出則馬耳即原山矣今又名岳陽山從征記曰汶

水出縣西南流又言自入萊蕪谷夾路連山百數里

水隍多行石澗中出草藥饒松柏林藿綿濛崖壁相

望或傾岑阻徑或迴巖絕谷清風鳴條山壑俱響凌

高降深兼喘慄之懼危溪絕徑過懸度之艱未出谷

十餘里有別谷在孤山谷有清泉泉上數丈有石穴

二口容人行入穴丈餘高九尺許廣四五丈言是昔人居山之處薪爨煙墨猶存谷中林木緻密行人甚有能至矣又有少許山田引灌之蹤尚存出谷有平丘面山傍水土人悉以種麥云此丘不宜殖稷黍而宜麥齊人相承以殖之意謂麥丘所栖愚公谷也何其深沉幽翳可以託業怡生如此也余時逕此為之踟躕為之屢眷矣余按麥丘愚公在齊川谷猶傳其名不在魯蓋誌者之謬耳汶水又西南逕羸縣故城

南城今在萊蕪縣西北春秋左傳桓公三年云會齊侯于贏博

婚于齊也

按左傳云會齊侯于贏成昏于齊也無博字今云會于贏博似誤

又東南過奉高縣北

今泰安府東有奉高廢縣

奉高縣漢武帝元封元年立以奉太山郡治也縣北有吳季札子墓在汶水南曲中季札之聘上國也喪子於贏博之間即此處也從征記曰贏縣西六十里有季札兒冢冢圓其高可隱也前有石銘一所漢末奉高令所立無所述叙標誌而已自昔恒蠲民戶灑

掃之今不能然碑石糜碎靡有遺矣故惟跌存焉

屈從縣西南流

汶出牟縣故城西南阜下俗謂之胡盧堆

今萊蕪縣東有牟縣

故城牟汶水在縣南門外西流至泰安州東入汶

淮南子曰汶出弗其高誘

曰山名也或斯阜也牟縣故城在東北古牟國也春

秋時牟人朝魯故應劭曰魯附庸也俗謂是水為牟

汶也又西南逕奉高縣故城而西南流注于汶汶水

又南右合北汶

今泰安州南有泮水出泰山分水嶺考其源流蓋即北汶也

水出

分水溪源與中川分水東南流逕太山東合天門下
溪水水出太山天門下谷東流古者帝王升封咸憩
此水水上往往有石竅存焉蓋古設舍所跨處也馬
第伯書云光武封太山第伯從登山去平地二十里
南向極望無不覩其為高也如視浮雲其峻石壁竅
條仰視巖石松樹鬱鬱蒼蒼如在雲中俯視溪谷碌
碌不可丈尺直上七十里天門仰視天門如從穴中

視天矣

朱云今封禪儀記曰不可丈尺遂至天門之
下仰視天門空遼如從穴中視天直上七里

賴其羊腸逶迤名曰環道
往往有絙索可得而登也

應劭漢官儀云太山東南

山頂名曰日觀者雞一鳴時見日始欲出長三丈許
故以名焉其水自溪而東濬波注壑東南流龜陰之
田龜山在博縣北一十五里昔夫子傷政道之陵遲
故望山而懷操故琴操有龜山操焉山北即龜陰之
田也春秋定公十年齊人來歸龜陰之田是也又合
環水水出太山南溪南流歷中階兩廟間從征記曰
太山有下中上三廟墻闕嚴整廟中柏樹夾兩階大

二十餘圍蓋漢武所植也赤眉嘗斫一樹見血而止
今斧創猶存門閣三重樓榭四所三層壇一所高大
餘廣八尺樹前有大井極香冷異於凡水不知何代
所掘不嘗浚滌而水旱不減庫中有漢時故樂器及
神車木偶皆靡密巧麗又有石虎建武十三年永貴
侯張余上金馬一匹高二尺餘形制甚精中廟去下
廟五里屋宇又崇麗於下廟廟東西夾澗上廟在山
頂即封禪處也共

疑作其

水又屈而東流入于汶

水上疑有

汶水又東南流逕南明堂下漢武帝元封元年封太

山降坐明堂於山之東北趾武帝以古處嶮狹而不

顯也

按封禪書云天子封太山太山東北趾古時有明堂處處險不敞上欲治明堂奉高傍未曉其

制度云云較此似明欲治明堂於奉高傍而未曉其制濟南人

公玉帶上黃帝時明堂圖圖中有一殿四面無壁以

茅蓋之通水園宮垣為複道上有樓從西南入名曰

崑崙天子從之入以拜祀上帝焉於是上令奉高作

明堂於汶水如帶圖也右引水為壁雍處基瀆存焉

世謂此水為石汶山海經曰環水出泰山東流注于

江

郭注云一作海

即此水也環水又左入于汶水汶水又西

南流逕徂徠山西

在泰安府東南四十里

山多松柏詩所謂徂

徠之松也廣雅曰道梓松也抱朴子稱玉策記曰千

歲之松中有物或如青牛或如青犬或如人皆壽萬

歲又稱天陵有偃蓋之松也所謂樓松也魯連子曰

松樅高千仞而無枝非憂正

一作王

實

疑訛宋本作室

之無柱

也爾雅曰松葉柏身曰樅鄒山記曰徂峽山在梁甫

奉高博三縣界猶有美松亦曰尤崍之山也赤眉渠
帥樊崇所堡也故崇自號尤崍三老矣山東巢父廟
山高十里山上有陂水方百許步三道流注一水東
北沿溪而下屈逕縣南西北流入于于下疑
有汶字一水北
流歷澗西流入于汶一水南流逕陽關亭南春秋襄
公十七年逆臧紇自陽關者也又西流入于汶水也

過博縣西北

汶水南逕博縣故城東

城在泰安府東南
漢置唐改曰乾封

春秋哀公

十年會吳伐博者也灌嬰破田橫於城下屈從其城

南西流不在西北也汶水又西南逕龍鄉故城南春

秋成公二年齊侯圍龍龍囚頃公嬖人盧蒲就

按左傳當

有魁字殺而膊諸城上齊侯親鼓取龍者也漢高帝八

年封謁者陳署為侯國汶水又西南逕亭亭山東

在泰

安府南五十里郡國志鉅平縣有亭禪山注云即古所禪亭亭者也黃帝所禪也山有

神廟水上有石門舊分水 downstream 處也汶水又西南逕

陽關故城西本有平縣之陽關亭矣

有平當作鉅平郡國志鉅平縣

有陽關亭春秋襄公十七年逆臧紇自陽關者也陽虎據

之以叛伐之虎焚萊門而奔齊者也汶水又南左會

淄水水出太山巢父縣東

巢父當作梁父漢志泰山郡有梁父縣

西南

流逕菟裘城北春秋隱公十一年營之公謂羽父曰

吾將歸老焉故郡國志曰梁父有菟裘聚淄水又逕

梁父縣故城南縣北有梁人山開山圖曰太山在左

亢父在右亢父知

疑作主

生梁父主死王者封太山禪

梁甫故縣取名焉淄水又西南逕柴縣故城北地理

志曰太山之屬縣也世謂之柴汶矣淄水又逕郕北

錐指引此作又逕成邑北

漢高帝六年封董濞為侯國

史表董濞亦封成侯

本郕省作成也今汶上縣二十里有郕國城

春秋齊師圍郕郕人伐齊飲

馬於斯水也昔孔子行於郕之野遇榮啟期於是衣

鹿裘被髮鼓琴歌三樂之懽夫子善其能寬矣

列子榮啓

期曰萬物惟人為貴吾得為人一樂也男女之別男尊女卑吾得為男二樂也人生有不見日月不免強

禠者吾行年九十餘是三樂也

淄水又西逕陽闕城南西流注於汶

水

今按泰安府南有廢柴縣及梁父故城西南有陽闕城柴汶水在府東三十里俗名司馬河

汶

水又南逕鉅平縣故城東

城在泰安府西南

而西南流城東

有魯道詩所謂魯道有蕩齊子由歸者也今汶上夾

水有文姜臺汶水又西南流詩云汶水滔滔矣淮南

子曰貉渡汶則死天地之性倚伏難尋固不可以情

理窮也汶水又西南逕魯國汶陽縣北王莽之汶亭

也縣北有曲水池亭春秋桓公十二年經書公會杞

侯莒子于曲池左傳曰平祀莒也故杜預曰魯國汶

陽縣北有曲水亭漢章帝元和三年東巡太山立行

宮於汶陽

後漢書章帝紀元和二年二月辛未幸泰山柴告岱宗壬申宗祀五帝于汶上明堂

注曰上作明堂于汶上如公玉帶之圖焉今云三年誤

執金吾耿恭恭衍屯城

門于汶上基塹存焉世謂之闕陵城也汶水又西逕

汶陽縣故城北

城在今寧陽縣東北

而注

下疑有脫字

又西南過蛇丘縣南

今肥城縣南有蛇丘故城本魯蛇淵圓漢置縣

汶水又西洗水出焉

朱云洗水當作泚水見二十五卷出當作注

又西逕

蛇丘縣南縣治鑄鄉故城春秋左傳宣叔娶于鑄是

也杜預曰濟北蛇丘縣所治鑄鄉城者也

又西南過岡縣北

在今寧陽縣境漢志作剛屬泰山郡
又定陶縣東北亦有剛城見明一統

志

地理志鄉故闡也王莽更之曰柔也應劭曰春秋經書齊人取謹及闡亭是也杜預春秋釋地曰闡在岡縣北岡城東有一小亭今岡縣治俗人又謂之闡亭京相璠曰岡縣西四十里有闡亭未知孰是汶水又西蛇水注之水出縣東北太山西南流逕汶陽之田齊所侵也自汶之北平暢極目僖公以賜季友蛇水

又西南逕鑄城西左傳所謂蛇淵圃也故京相璠曰
今濟北有蛇丘城城下有水魯圃也俗謂之濁須水
非矣蛇水又西南逕夏暉城南經書公會齊侯于下
謹是也今俗謂之夏暉城蓋春秋左傳桓公三年公
子翬如齊齊侯送姜氏于下謹非禮是也世有夏暉
之名矣蛇水又西南入汶汶水又西溝水注之水出
東北馬山西南流逕棘亭南春秋成公三年經書秋
叔孫僑如帥師圍棘左傳曰取汶陽之田棘不服圍

之南去汶水八十里又西南逕遂城東地理志曰蛇

丘遂鄉

按志作隧

故遂國也春秋莊公十三年齊滅遂而

戍之者也京相璠曰遂在蛇丘東北十里杜預亦以

為然然縣東北無城以礙之今城在蛇丘西北蓋杜

預傳疑之非也又西逕下謹城西而入汶水汶水又

西逕春亭北考古無春名唯平陸縣有崇陽亭然是

東去岡城四十里進

一作推

璠所注則符並所未詳也

又西南過平章縣南

今東平州東有章縣故城漢志東平國有章縣而無平章縣疑當作

東平章
縣南

地理志曰東平國故梁也景帝中和六年

景帝時未
有年號何

得云中
和當
是中六年

別為濟東國武帝元鼎元年為大河郡

宣帝甘露二年為東平國王莽之有鹽也按世本章

縣任姓之國也齊人降章者也故在無鹽城東北五

十里汶水又西南有泌水注之水出肥縣東北自源

西南流逕肥城縣故城南樂正子春謂其弟子曰子

適齊過肥肥有君子焉左逕句窳亭北章帝元和二

年鳳皇集肥城句窳亭復其租而巡太山即是亭也

泌水又西南逕富城縣故城西王莽之城當作富也

其水又西南流注于汶汶水又西南逕桃鄉縣故城

西城在今汶上縣東北四十里王莽之鄣亭也世以此為鄣城非

蓋因巨新之故目耳

又西南過無鹽縣南又西南過壽張縣北又西南至安

民亭入于濟

汶水自桃鄉四分當其派別之處謂之四汶口其左

二水雙流西南至無鹽縣之郈鄉城南

故城在今沂州東三十六

里魯叔孫昭伯之故邑也禍及

何氏云

鬪雞矣

左傳昭公

二十五年季郈之雞鬪季氏芥其雞郈氏為之金距平子怒益宮于郈氏且讓之故郈昭伯亦怒平子

春秋左傳定公十二年叔孫氏墮郈今其城無南面

汶水又西南逕其

當作東漢志東平國有東平陸縣

平陸縣故城北

應劭曰古厥也今有厥亭汶水又西逕危山南世謂

之龍山也漢書五行志

按此事見漢書東平王傳非出五行志報山作瓠山師古

曰瓠山謂其形似瓠耳

曰哀帝時無鹽危山土自起覆草如馳

道狀又報山石轉立晉灼曰漢注作報山山脅石一丈轉側起立高九尺六寸旁行一丈高四尺東平王雲及后謁自之石所祭治石象報山立石束倍草并祠之建平三年息夫躬告之王自殺后謁棄市國除漢書石立宣帝起之表也汶水又西合為一水西南入茂都澱澱陂水之異名也澱水西南出謂之巨野溝又西南逕致密城南郡國志曰須昌縣又致密城古中都也即夫子所宰之邑矣制養生送死之節長

幼男女之禮路不拾遺器不彫偽矣巨野溝又西南入桓公河北水西出澗謂之巨良水西南逕致密城北西南流注洪瀆次一汶西逕郈亭北又西至壽張故城東遂為澤渚初平三年曹公擊黃巾於壽張東鮑信戰死於此其右一汶西流逕無鹽縣之故地南城在今東平州東三十里舊宿國也齊宣后之故邑所謂無鹽醜女也漢武帝元朔四年封城陽恭王子劉慶為東平侯即此邑也王莽更名之曰有鹽亭汶水又西逕洽

鄉城南地理志曰所謂無鹽有洽鄉者也汶水西南

流逕壽張縣故城北

城在今東平州西南

春秋之良縣也縣有

壽聚漢曰壽良應劭曰世祖叔母名良故光武改曰

壽張也建武十五年世祖封樊宏為侯國汶水又西

南長直溝水注之水出須昌城東北穀陽山南逕須

昌城東又南漆溝水注焉水出無鹽城東北五里阜

山下西逕無鹽縣故城北水側有東平憲王蒼冢碑

闕存焉元和三年

按章帝紀是二年

章帝幸東平祀以太牢

親拜祠坐賜御劍於陵前其水又西流注長直溝溝
水竒分為二一水西逕須昌城南入浦一水南流注
于汶汶水又西流入浦故淮南子曰汶出弗其西流
合浦按淮南子作汶出弗其流合于濟高誘曰弗其山名在朱虛縣
東余按誘說是乃東汶非經所謂入沛當作沛者也蓋
其誤證耳

禹貢錐指以今輿地言之汶水自萊蕪歷泰安肥
城寧陽至東平入濟合流以注于海此禹迹也迨

元人引汶絕濟為會通河明永樂中又築戴村壩
遏汶水盡出南望以資運而安山又濟之故道填
淤久矣 元和志乾封縣界有五汶源別而流同

五汶者曰北汶羸汶柴汶牟汶其一則經流也汶四

口乃下流歧分處
不在五汶之數

按酈注無羸汶羸在今萊蕪縣


南三十里源出宮山之陰流合牟汶宮山者新甫
之別名也山在新泰縣西北泮水源出泰山分水
嶺即北汶州志謂之塹汶在今泰安州南五汶之

外有小汶在州東南七十里源出宮山流逕徂徠
山南又西入汶水謂之大汶口也嬴汶流合牟汶
故酈注不言五汶以小易嬴斯為當矣又有水出
萊蕪縣寨子村流合牟汶者近志指為浯汶據漢
志琅琊靈門縣有高朶山浯水所出東北入濰說
文云水出靈門山世謂之浯汶

浯水合東汶入汶故有此名 在

今莒州界與萊蕪無涉志妄言耳東汶出朱虛縣
小太山北流至淳于縣入濰在今臨朐安丘界淮

南子曰汶出弗其西流入濟高誘云弗其山名在
朱虛縣東即入濰之東汶言入濟者淮南之誤



水經注集釋訂訛卷二十四